

4

九代樂章

卷



3

九代樂章卷十七

南宮微山劉濂著

頌

九代多不識頌詩作者大率皆風  
壇旁音且雜以巫覡降神之語浮華佻  
詞視古頌美德告功幽嚴莊敬之義悠乎萬  
里矣所聿音調猶為宮商耳宗廟多不知製  
舞有製舞者而朝廟燕祀不分或僅具儀容  
而無九變六變之節間有及於六變者而不  
知製六變之詩或綴兆不列之中庭而陳之

兩階故其制多不可采或謂風雅亦有舞否  
曰大雅陳之殿廷朝會無所用舞小雅主於  
悅賓其舞大畧類廟而音製不同房中主於  
行樂侑教當從簡從殺不但房中雖小人女  
子或因喜樂酒燕必自歌起舞是里巷亦有  
歌舞矣

漢

周房中之樂后妃諷誦以事其君子者也漢  
房中為婦人禱祠之詩高帝唐山夫人作其  
聲多楚帝好楚聲故也孝惠二年使樂府令

夏侯寬備其簫管更名曰安世樂凡十七章  
多叙祖宗之事雖用之房中其實宗廟樂也  
如離騷九歌雖以奉神亦咏以為樂是禱祀  
詩用之事神而因以為樂者也武帝定郊祀  
之禮乃立樂府采詩夜誦有趙氏秦楚之謳  
以李延年為協律舉司馬相如等造詩歌畧  
論律呂以合八音之調以正月上辛用事甘  
泉圓丘郊祀之儀畧備矣又以馬象赤蛟芝  
房歌之宗廟於義不通汲黯所謂先帝百姓  
豈能知其音者也明帝分樂為四品有郊廟

六宗社稷之典其辭不可考而知矣東平王  
倉制世祖歌舞一曲曰先武撥亂中興武功  
盛大宜曰大武之舞其辭但言封禪圖讖而  
不及武功又不象功德以制容節蓋習知周  
有大武之舞畧擬其彷彿而不能舉其精蘊  
不足備禮樂之典矣宮商音黃鍾太簇調

郊祀歌

練時日

練時日侯有望炳管蕭延四方九重開靈之旂垂惠恩  
鴻祐休靈之車結玄雲駕飛龍羽旄紛靈之下若風馬

左倉龍右白虎靈之來神哉沛先以兩般喬喬靈之至  
慶陰陰相放恚震澹心靈已吐五音飭虞至且承靈億  
牲蘭栗粢盛香尊桂酒賓八鄉靈安留吟青黃徧觀此  
眇瑤堂衆嫖並綽竒麗顏如茶兆逐靡被華文厠霧縠  
曳阿錫佩珠玉俠嘉夜蒞蘭香澹容與獻嘉觴

類楚辭降神語玄雲風馬蒼龍白虎衆嫖如茶數句可

帝臨

帝臨中壇四方承宇繩繩意變備得其所清和六合制  
數以五海內安寧興文匡武后土富媪昭明三光穆穆  
優游嘉服上黃

青陽

青陽開動根芽以遂膏潤并愛歧行畢建霆聲發榮壤  
處頃聽枯槁復產迺成厥命衆庶熙熙施及夭胎羣生  
堪堪惟春之祺

朱明

朱明盛長專與萬物相生茂豫靡有所訛敷華就實既  
阜既昌登成甫田百鬼迪嘗廣大建祀肅雍不忘神若  
宥之傳世無疆

西顛

西顛沆碭秋氣肅殺含秀垂顛續奮不廢姦偽不萌妖

孽伏息隅辟越遠四貉咸服既畏茲威惟慕純德附而  
不驕正心翊翊

玄冥

玄冥陵陰蟄虫蓋截草木零落抵冬降霜易乱除邪革  
正異俗兆民反本抱素懷樸條理信義望禮五嶽籍歛  
之時掩收嘉穀

惟泰元

惟泰元尊媪神蕃釐經緯天地作成四時精建日月星  
辰度理陰陽五行周而復始雲風雷電降甘露兩百姓  
蕃滋咸循厥緒繼統恭勤順皇之德洎選休成罔不膺

飭嘉籩列陳庶幾宴享滅除凶災烈騰八荒鍾鼓箏笛  
雲舞翔翔招搖靈旗九夷賓將

天地

天地並况惟子有慕爰熙紫壇思求厥路恭承禋祀緼  
豫為紉肅若舊典承神至尊千童羅舞成八溢合好効  
歡虞泰一九歌畢奏斐然殊鳴琴箏瑟會軒朱璆磬金  
鼓靈其有喜百官濟濟各敬其事盛牲實俎進聞膏神  
奄留臨瀕搖長麗前挾光耀明寒暑不忒况皇章展詩  
應律琇玉鳴含宮吐角激徵清發梁揚羽申以商造茲  
新音永久長聲氣遠條鳳鳥鵲神夕奄虞蓋孔享

安世房中歌

大孝備矣休德昭清高張四縣樂充宮廷芬樹羽林雲  
景杳冥金支秀華庶旄翠旌七始華始肅倡和聲神矣  
宴埃庶幾是聽

鬻鬻音送細齊人情忽乘青玄熙事備成清思物物經  
縉冥冥

我定歷數人告其心救身齋戒施教申申乃立祖廟敬  
明尊親大矣孝熙四極爰轉

王侯秉德其鄰翼翼顯明昭式清明也矣皇帝孝德竟  
全大功撫安四極

海內有姦紛亂東北詔撫成師武侯承德行樂交逆簫  
勺群慝肅為濟哉蓋定燕國

大海蕩蕩水所歸高賢愉愉民所懷大山崔百卉殖民  
何貴貴有德

豐草萼女羅施善何如誰能回大莫大成教德長莫長  
被無極

雷震震電耀耀明德鄉治本約治本約澤弘大加被寵  
咸相保施德大世曼壽

嗚呼孝哉案撫我國蠻夷竭歡象來致福兼臨是慶終  
無矣革

嘉薦芳矣告靈饗矣告靈既饗德音孔藏惟德之藏建  
侯之常承保天休令問不忘

魏

魏郊廟無頌簫予顯曰魏辭不見疑用漢辭  
也漢郊祀房中樂寂寥簡陋不成制典不  
知用漢何辭也沈約曰魏國初建使王粲造  
登歌安世及巴渝詩而已後並作於太祖之  
廟今安世之辭不存獨有渝詩歌焉其辭為  
矛渝弩渝安臺行辭新福歌曲及考其音製  
尚不可比列國變風豈可用之宗廟頌功德

而告神明乎魏三帝陳思鄴中七子號為一時詩人雅頌尚不能辨徒以麗詞豔曲相高奚補於世教哉魏頌亡矣

九代樂章卷十七終

九代樂章卷十八

南宮微山劉漁著

晉

晉泰始二年命傅玄造兩郊明堂夕牲降神饗神等歌復造祠廟夕牲迎送神七廟登歌饗神等歌郊廟之樂畧備矣蓋傅玄荀勗陳頌諸人號為知詩知音故稍稍有述畧備一代之典又造正德大豫二舞傳荀張華為舞歌郭瓊宋識為舞容視漢魏為美然事不師古聲容簡陋不可采也宮商音黃鍾太簇調

天地郊明堂歌

夕牲歌

傳玄

皇矣有晉時邁其德受終于天光濟萬國萬國既光神  
定厥祥虔于郊祀祇事上皇祇事上皇百福是臻巍巍  
祖考克配彼天嘉牲匪歆德馨惟饗受天之祐神化四  
方

降神歌

於赫大晉膺天景祥二帝邁德宣茲重光我皇受命奄  
有萬方郊祀配享禮樂孔章神祇嘉饗祖考是皇

天郊饗神歌

整泰壇祀皇神精氣感百靈賓蘊朱火燎芳薪紫煙遊  
冠青雲神之體靡象形曠無方幽以清神之來亢景照  
聽無聞視無兆神之至舉歆歆靈葵協動余心神之坐  
同歡娛澤雲翔化風舒嘉樂奏文中聲八音諧神是聽  
咸潔齊並芬芳烹牲享玉觴神悅饗歆禋祀祐大晉  
降繁祉祚京邑行四海保天年窮地紀紫煙青雲動余  
心數句可刪

地郊饗神歌

整泰折埃皇祇衆神感羣靈儀陰祀設吉禮拖夜將極  
時未移祇之體無形象潛泰幽洞忽荒祇之出夔若有  
靈無遠天下母祇之來遺光景昭若存終冥冥祇之至

舉欣欣舞象德歌成文祇之坐同歡豫澤雨施化雲布  
樂八變聲教敷物咸享祇是娛齊既察侍者肅玉觴進  
咸穆穆饗嘉黍歆德馨祚有晉暨羣生溢九壤格天庭  
保萬壽延億齡澤雨化雲天下  
毋數句可刪

明堂饗神歌

經始明堂享祀匪懈於皇烈考光配上帝赫赫上帝既  
高既崇聖考是配明堂顯融率土敬職萬方來祭常于  
時假保祚永世

宗廟歌

夕牲歌

傅玄

我夕我牲猗歟敬止嘉黍孔時供茲享祀神鑒嘉祀博  
碩斯歆祖考降饗以虞孝孫之心

嗚呼悠哉日鑒在茲以時享祀神明降之神明斯鑒既  
祐饗之祚我無疆受天之祐赫赫大上巍巍聖祖明明  
烈考丕承繼序

宣皇帝登歌

於鑠皇祖聖德欽明勤施四方夙夜敬止載敷文教載  
揚武烈匡定社稷龔行天罰經始大業造創帝基畏天  
之命于時保之

景皇帝登歌

執競景皇克明克哲旁作穆穆惟祗惟畏纂宣之緒者  
定厥功登此俊乂糾彼羣凶業業在位帝既勤止維天  
之命於穆不已

文皇帝登歌

於皇時晉允文文皇聰明睿智聖敬神武萬幾莫理皇  
斯清之虎兇放命皇斯平之柔遠能邇簡授英賢創業  
垂統勲格皇天

饗神歌

曰晉是常享祀時序宗廟致敬禮樂具舉惟其來祭普  
天率土犧幣既奠清酌既載亦有和羹庶羞斯備烝烝  
永慕感時興思登歌奏舞神樂其和祖考來格祐我邦  
家敷天之下罔不休嘉

肅肅在位濟濟臣工四海來格禮儀有容鍾鼓振管絃  
理舞闈元歌永始神胥樂兮肅肅在位臣工濟濟小大  
咸敬上下有禮理管絃振鼓鍾象德歌詠功神胥樂兮肅  
肅在位有來雍雍穆穆天子相維辟公禮有儀樂有則  
舞象功歌詠德神胥樂兮

九代樂章卷十八終

九代樂章卷 十九

南宮微山劉濂著

宋

宋顏延之造郊祀歌王韶之造七廟歌明堂  
祀五帝謝莊造辭莊衣五行歌青帝木數用  
三赤帝火數用七黃帝土數用五白帝金數  
用九黑帝水數用六夫五行之數術家幽謬  
之說何取於義而擬以為樂何與於五帝而  
製以為歌也詩製詭異又變於張華矣改晉  
正德大豫舞為前舞後舞不變其聲容而徒

改其名題猶夫不改也周宗廟無祀妃后之  
頌章廟並頌三后宋季之瀆禮也宮商音黃  
鍾太簇調

南郊樂歌

夕牲歌

顏延之

黃威寶命嚴恭帝祖表海炳岱系唐胄楚靈鑒濬文民  
屬睿武奄受敷錫宅中拓宇亘地稱皇罄天作主月竈  
來賓日際奉土開元正首禮交樂舉六典聯事九官列  
序有牲在滌有潔在俎以藁王衷以荅神祐

迎送神歌

維聖饗帝維孝饗親皇乎備矣有事上春禮行宗祀敬  
達郊禋金枝中樹廣樂四陳陟配在京降德在民奔精  
照夜高燎煬晨陰明浮爍沈滌深淪告成大報受釐元  
神月御按節星驅扶輪遙輿遠舉列曜振振二月御星驅  
二句可刪

饗神歌

神錫懋祉四緯昭明仰福帝徽俯齊庶生

明堂樂歌

迎神歌

謝莊

地紐謚乾樞回華蓋動紫微開旌蔽日車若雲駕六龍  
乘絢緼暉帝景輝天邑聖祖降五靈集構瑤祀聳珠簾

漢拂幌月棲檐舞綴暢鍾石融駐飛景鬱行風懋榮盛  
潔牲牲百禮肅群司虔皇德遠大孝昌貫九幽洞三光  
神之安解玉鑾景福至萬寓歡

理所殊簾月檐  
漢幌數句可刪

### 登歌

雍臺辨朔澤宮練服潔火夕照明水朝陳六瑚貴室八  
羽華庭照事先聖懷濡上靈肆夏戒敬升歌發德永固  
鴻基以綏萬國

### 歌大祖文皇帝

維天為大維聖神是則辰居萬寓綴沅下國內靈八輔  
外光四瀛蒿宮仰蓋日館希旌複殿留景重檐結風刮

楹接緯達嚮承虹設業設虞在王庭肇禮祀克配乎靈  
我將我享維益之春以孝以敬以立我烝民

蒿宮日館  
留景結風

四句  
可刪

### 歌青帝

參映夕駟照晨靈乘震司青春鴈將向桐始蕤柔風舞  
暄光暹萌動達萬品新潤無際澤無垠

### 歌赤帝

龍精初見大火中朱光北至圭景同帝在在離寔司衡  
水雨方降木槿榮庶物盛長咸殷阜恩覃四冥彼九有

### 歌黃帝

履建宅中寓司繩御四方裁化通寒煥布政周炎涼景  
麗條可結霜明水可折凱風扇米辰白雲流素節分至  
乘結晷啓閉集恒度帝運緝萬有皇靈澄國步

歌白帝

百川如鏡天地爽且明雲冲氣舉德盛在素精木葉初  
下洞苑始揚波夜光徹地翻霜照懸河爽類收成歲功  
行歆寧浹地奉渥罄宇承秋靈

歌黑帝

歲月既宴方馳靈乘坎德司規玄雲合晦鳥路白雲繁  
亘天涯雷在地時木光飾國典閉關梁四節遍萬物殿  
福九域祚八鄉晨晷促夕漏延太陰極徽陽宣鵲將巢  
冰已解氣濡水風動泉

送神歌

蘊禮容餘樂度靈方留景歆暮開九重肅五達鳳參差  
龍已沫雲既動河既梁萬里照四空香神之車歸清都  
璇庭寂玉殿虛霽化凝孝風熾顧靈心結皇恩萬里四  
空二句

宗廟樂歌

北平府君歌

王韶之

綿綿遐緒明昭載融漢德未遠克有遺風於穆皇祖永

世克隆本枝惟慶貽厥靡窮

相國掾府君歌

乃立清廟清廟肅肅乃備禮容禮容穆穆顯允皇祖昭  
是嗣服錫茲繁祉聿懷多福

開封府君歌

四縣既序簫管既舉堂獻六瑚庭萬八羽先王有典克  
禋皇祖不顯洪烈永介休祐

武原府君歌

鍾鼓嗶嗶威儀將將溫恭禮樂致享曾皇邁德垂仁係  
軌重光天命純嘏惠我無疆

東安府君歌

鏘矣皇祖帝度其心永言配命播茲徽音思我茂猷如  
玉如金駿奔在陛是鑒是歆

孝皇帝歌

烝哉孝皇齊聖廣淵發祥誕慶景祚自天德敷金石道  
被管絃有命既集徽風永宣

高祖武皇帝歌

惟天有命眷求上哲赫矣聖武撫運桓撥功並敷土道  
均汝墳止戈曰武經緯稱文鳥龍失紀雲火代名受終  
改物作我宋京至道惟王大業有邵降德兆民升歌清

廟

七廟享神歌

非非寢廟奉璋在庭笙簫既列犧象既盈黍稷匪芳明  
祀惟馨樂具禮充潔羞薦蒙誠神之格思介以休禎濟濟  
群辟永觀厥成

九代樂章卷十九終

九代樂章卷二十

南宮微山劉濂著

齊

齊祭祀樂歌南郊十三章北郊六章明堂十  
三章雩祭八章籍田二章太廟十六章多采  
宋人舊辭少加整整以為新曲其儀節視晉  
宋獨為明備所謂禮緣人情以漸而美者也  
謝朓造五帝歌並依謝莊五行之數大畧六  
朝詩人能為浮麗儇巧之辭而寡遠觀大觀  
之度故張華宗三京宋人宗張華謝莊偶變

於華齊陳而下輒宗謝莊視前代一切之制  
不論美惡如守規矩繩墨不敢改易謬矣仍  
用宋前後歌舞但增階步二辭猶夫不增也  
宮商音黃鍾太簇調

南郊樂歌

肅咸樂

群臣出入

彝承寶命嚴恭帝緒奄受敷錫升中拓宇亘地稱皇罄  
天作主月域來賓日際奉土開元首正禮交樂舉百司  
聯事九官列序

引牲樂

牲出入

皇乎敬矣恭事上靈昭教國祀肅肅明明有牲在滌有  
潔在俎以薦王衷以荅神祐陟配在京降德在民夙禱  
望夜日馭佇晨

嘉薦樂

薦豆呈毛血

我恭我享夙夜駿奔以享以敬立我烝民青壇奄霽翠  
幙端凝嘉俎既薦芳醪再升設業設虜展容王庭肇禋  
配祀克對上靈

青壇翠幙二句可刪

昭夏樂迎神

惟聖饗帝惟孝饗親行禮宗祀敬達郊禋金枝申樹廣  
樂四陳月御案節星樞扶輪暹輿近駕曜曜振振告成

大報受釐元神

永至樂 皇帝入壇

紫壇望靈翠幙佇神率天奉贊罄地來賓神貺並介泯  
祇合社恭昭鑒享肅光孝祀威藹四靈洞耀三光皇德  
全被大禮流昌

登歌 皇帝登壇

報惟事天祭實尊靈史正嘉兆神宅崇禎五時昭鬯六  
宗彛序介丘望靈皇軒肅舉

文德宣烈樂 初獻

宮泰疇定 心緒謀筮從田燭置燿火通大孝昭

國禮融

武德宣烈樂 次獻

功燭上宙德耀中天風移九域禮飾八埏四靈晨炳五  
緯宵明膺歷締運道茂前聲

高德宣烈樂 三獻

饗帝嚴親則天光大鳥奔前古榮鏡無外日月宣華卿  
雲流霽五漢同休六幽咸泰

嘉胙樂 飲福

皂嘉禮承休錫盛德符景緯昌華應帝策聖藹耀昌基  
融社暉世曆聲正涵月軌書文同日迹寶瑞昭神圖靈

貺沅瑞液我皇崇暉祚重芬冠往籍

昭夏樂送神

薦享洽禮樂該神娛展辰旆回洞雲路拂璇階紫霄  
青霄開睠皇都顧玉臺留昌德結聖懷雲路紫霄四句可刪

昭遠樂就燎位

天以德降帝以禮報牲尊俯陳柴幣仰燎事展司采敬  
達瑄薌煙贊青昊震颺紫場陳馨示策肅志宗禮禮非  
物備福唯誠隙

休成樂還便

昭事上祀禮回鑾轉翠拂景翔宸綴縣敷錫鍾

石昭融羽炫深晷鶯瞻行風肆序輟度肅禮停文四全  
聳衛六叙齊輪

北郊樂歌

昭夏樂迎神

昭禮崇營敬饗玄疇靈正冊惟月肅紫墀展薦登華風  
縣疑鏘神惟矣止鬱葆遙莊昭望歲芬環侑辰太穆哉  
尚禮橫光垂藹

登歌升壇

佇靈敬享禮肅彛文縣動聲儀薦潔牲芬陰祗以貺昭  
祀式慶九服熙度六農祥正

地德凱容歌 初獻

繕方丘端國陰掩珪畧仰靈心詔源委遍丘林禮獻物

樂薦音

昭德凱容樂 次獻

慶圖濬邈蘊祥祕瑤倪天炳月嬪光紫霄邦化靈懋閭

則風調儷德方儀徽載以昭 倪天嬪光二句可刪

昭夏樂 送神

薦神升享序樹淹玉俎停金奏寶飾轉旒駕璇溢素景

鬱紫躔靈心顧留宸睠洽外瀛瑞中 實飾四句可刪

隸幽樂 塵埋

后皇嘉慶定祇玄疇承帝休圖祇敷靈祉篚罍周序軒

朱疑會牲幣芬壇精明佇蓋調川瑞昌警岳祥泰

太廟樂歌

肅成樂 群臣出入

潔誠底孝孝感烟霜寅儀式序肅禮綿張金華樹藻肅

哲騰光殷殷升奏嚴嚴階庠匪椒匪玉是降是將懋分

神衷翊祐傳昌

引牲樂 牲出入

肇祀嚴靈恭禮尊國達敬傳典結孝陳則芬滌既肅犧

牲既整聳誠沉思端儀選景肆禮佇夜綿樂望晨崇齊

地德凱容歌 初獻

繕方立端國陰掩珪晷仰靈心詔源委遍丘林禮獻物  
樂薦音

昭德凱容樂 次獻

慶圖濬邈蘊祥祕瑤倪天炳月嬪光紫霄邦化靈懋閭  
則風調儷德方儀徽載以昭 倪天嬪光二句可刪

昭夏樂 送神

薦神升享序樹淹玉俎停金奏寶飾轉旒駕璇溢素景  
鬱紫躔靈心顧留宸睠洽外瀛瑞白 實飾四句可刪

隸幽樂 塵埋

后皇嘉慶定祇玄疇承帝休圖祇敷靈祉篚罍周序軒  
朱凝會牲幣芬壇精明佇蓋調川瑞昌警岳祥泰

太廟樂歌

肅咸樂 辟臣出入

潔誠底孝孝感烟霜寅儀式序肅禮綿張金華樹藻肅  
哲騰光殷殷升奏嚴嚴階庠匪椒匪玉是降是將懋分  
神衷翊祐傳昌

引牲樂 牲出入

肇祀嚴靈恭禮尊國達敬傳典結孝陳則芬滌既肅犧  
牲既整聳誠流思端儀選景肆禮佇夜綿樂望晨崇席

皇鑒用饗明神

嘉薦樂薦豆呈  
毛血

清思聊聊闕寢微微恭言載感肅若有希芬俎且陳嘉  
薦兼列凝馨烟颺分炤皇哲睿靈式降協我帝道上澄  
五緯下陶八表

昭夏樂迎神

涓辰選氣展禮恭祇重闌月洞層牕烟施載虛玉鬯載  
受金枝天歌折饗雲舞聲儀神惟降止泛景凝羲帝華  
永藹泯藻方攝重闌二  
句可刪

永至樂皇帝  
出入

戲縣惟則姬經式序九司聯事八方承宇鑿迥靜陳綬  
樂具舉凝旒若慕傾璜載佇振振琫衛穆穆禮容載藹  
皇步式敷帝蹤

登歌裸地

清容既鬯大孝乃熙天儀粹愴皇心儼思既芬房豆載  
潔牲牲鬱裸并禮銷金登聲茂對幽嚴式奉徽靈以享  
以祀惟感惟誠

凱容樂皇高  
祖朝

國昭惟茂帝穆惟崇登祥締遠締世景融紛綸睿緒菴  
蔚王風明進厥始濟哲文終

凱容樂皇會

瑛條夤蔚瓊源浚照懋矣皇烈載挺明劭永言敬思式  
恭惟教休途良乂榮光有耀

凱容樂皇祖

嚴宗正典崇享肇禮九章既飭三清既陳昭恭皇祖承  
假徽神貞祐伊協卿藹是鄰

宣德凱容樂皇帝

道闕期運義開蕪用皇矣虞祖至哉攸縱循規烈炤襲  
規重芬德溢軒義道懋矣德溢二句可刪

永祚樂上福

構宸抗宇合軫齊文萬霧載溢百禮以殷朱絃統風翠  
羽停雲桂罇既滌瑤俎既薰升薦惟誠昭禮惟芬降祉  
遙裔集慶氤氳

肆夏樂送神

禮既升樂以愉昭序溢幽饗餘人祇鬯敬教敷神光動  
靈駕翔芬九垓鏡八鄉福無屆祚無疆神光動四句可刪

休成樂請便

睿孝式鬯饗敬爰虔諦容輟序佾文靜縣辰儀聳暉霄  
衛浮鑿旒纒雲舒翠華景搏恭惟尚烈休明再纒國獻  
遠藹昌圖聿宣

九代樂章卷二十一 終

九代樂章卷二十一

南宮微山劉濂著

梁

梁十二雅六用之朝廷六用之郊廟在郊廟者曰皇雅滌雅佺雅誠雅獻雅禋雅亦以俊雅等展轉用之猶不能盡制備禮復益以兩知明堂太廟登歌等詩帝曉解音律而所制遺缺如此奚貴於十二雅也獨製五帝辭不用謝莊五行之數惟以四言為法為有見耳大壯大觀二舞郊廟三朝同用失古道矣宮

商音黃鍾太簇調

雅歌

皇雅

皇帝出入二郊太廟同用

帝德實廣運車書靡不賓執瑁朝群后垂旒御百神八

荒重譯至萬國妣來親此頌詩不宜用

華蓋拂紫微勾陳統太一容裔被緹紐參差羅罕畢星

回照以爛天行徐且謚

清蹕朝萬寓端冕臨正陽青絢黃金纒袞衣文繡裳既

散華蟲采復沉日月光青約二句可刪

滌雅

牲出入二郊明堂太廟同用

將脩盛禮其儀孔熾有膋斯牲國門是置不黎不疇靡

愆靡忌呈肌獻體永言昭事俯休皇德仰綏靈志百福

具膺嘉祥允泊駿奔伊在慶覃遐嗣

牲雅

薦毛血二郊明堂太廟同用

反本興敬復古昭誠禮容宿設禮事孔明華俎待獻崇

碑麗牲充哉爾握肅矣簪纓其背既啓我豆既盈庖丁

游刃葛盧驗聲多祉攸集景福來弁庖丁二句可刪

誠雅三首

南郊降神用第一首北郊迎神用第二首二  
郊明堂太廟同用第三首

懷忽恍瞻浩蕩盡誠潔致虔想出杳冥隆無象皇情肅  
具僚仰人禮盛神途敬優明靈申敬享咸蒼極洞象  
地德溥崑丘峻揚羽翟鼓應輦出尊祇展誠信招海賈  
羅嶽鎮惟福祉咸昭晉招海賈二句可刪  
我有明德馨非稷黍牲玉孔備嘉薦惟旅金懸宿設和  
樂具舉禮迂幽明敬行尊俎鼓鍾云送遐福是與

獻雅

皇帝飲福酒工郊明堂太廟同用

神宮肅肅天儀穆穆禮獻既同膺茲肇福我有馨明無  
愧史祝

禋雅二首

就燎用第一章就埋用第二章

紫宮昭煥太一微玄降臨下土尊高上天載陳珪幣式  
備牲牲雲竊清引枸虞高懸俯昭象物仰致高煙肅彼  
靈祉咸達皇虔

盛樂斯舉協徵調宮靈饗慶洽祉積化融八變有序三  
獻已終坎牲塵玉酬德報功振垂成呂投壤生風道無

虛致事由感通於皇盛烈比祚華嵩

南郊登歌

噉既明禮告成惟聖祖主上靈爵已獻壘又盈息羽籥  
展歌聲優如在結皇情

禮容盛尊俎列玄酒陳陶匏設獻清白致虔潔玉既升  
樂已闋降蒼昊垂芳烈

北郊登歌

方壇既埽地祇已出盛典弗僭群望咸秩乃升乃獻敬  
成禮卒靈成無兆神饗載謐允矣嘉祚其升如日

至哉坤元實難厚載躬茲奠饗誠文顯晦或升或降搖  
珠動佩德表成物慶流皇代純嘏不謬祺福是賚搖珠動佩

剛句可

明堂登歌

歌青帝

帝居在震龍德司春開元布澤含和尚仁群居既啟歲  
云陽止飭農分地民粒惟始雕梁繡拱丹楹玉墀靈威  
以降百福來綏

歌赤帝

炎光在離火為威德執禮昭訓持衡秉則靡草既凋溫  
風以至嘉薦惟旅時羞孔備齊緹在堂笙鏞在下匪惟

七百無絕終始

歌黃帝

鬱彼中壇含靈闡化迴環氣象輪無輟駕布德焉在四  
序將收音宮敷五飯稷駉駉宅屏居中旁臨外宇升為  
帝尊降為神主

歌白帝

神在秋方帝居西皓允茲金德裁成萬寶鴻來雀化參  
見火邪幕無玄鳥菊有黃華載列笙磬式陳彝俎靈罔  
常懷惟德是與

歌黑帝

德盛乎水玄冥紀節陰降陽騰氣凝象閑司智蒞坎駕  
鐵衣玄和寒拆地晷度迴天悠悠四海駿奔奉職祚我  
無疆永隆民極

宗廟登歌

功高禮洽德尊樂備三獻具舉百司在位誠敬罔讐幽  
明同致茫茫億兆無不遠蓋之如天容之如地

殷兆玉筐周始邠王於赫文祖基我大梁肇土七十奄  
有四方帝軒百祀人思未忘永言聖烈祚我無疆

有夏多罪殷人塗炭四海倒懸十室思亂自天命我殲  
凶殄難既躍乃飛言登天漢爰享爰祀福祿攸贊

犧象既節壘俎斯具我鬱載馨黃流乃注我我卿士駿  
奔是務佩上鳴諧纓還拂樹悠悠億兆天臨日照  
猗與至德光被黔首鑄鎔蒼昊甄陶區有肅恭三獻對  
揚萬壽比屋可封含生無咎匪徒七百天長地久  
有命自天於皇后帝悠悠四海莫不來祭繁祉具膺八  
神聳衛福至有兆慶來無際播此餘休于彼荒裔  
祀典昭格我禮莫違八簋克室六龍解駢神宮肅肅靈  
靈微微嘉薦既饗景福攸歸至德光被洪祚載輝

陳

陳西郊明堂太廟並用梁樂惟改七室舞辭

七篇陳頌亡矣宮商音黃鍾太簇調

太廟舞辭

凱容舞皇祖步  
兵府君

於赫皇祖宮墻高嶷邁彼厥初成茲峻極縵樂簡簡闕  
寢翼翼裸饗若存惟靈靡測

凱容舞正員  
府君

昭哉上德浚彼洪源道光前訓慶流後昆神猷綿邈清  
廟斯存以享以祀惟祖是尊

凱容舞懷安  
府君

選辰崇饗飾禮嚴敬靡愛牲牲兼馨案盛明明列祖龍

光遠映肇我王風形斯舞詠

凱容舞

皇高祖安  
成府君

道遥積慶德遠昌基永言祖武致享從思九章停列八  
舞迴輝霧其降止百福來綏

凱容舞

皇曾祖太  
常府君

肇迹締基義標鴻篆恭惟載德瓊源方闡享薦三清筵  
陳四璉增我堂構武敷帝典

景德凱容舞

皇祖景  
皇帝

皇祖執德長發其祥顯仁歲用懷道韶光寧斯闕寢合  
此蕭薌永昭貽厥還符剪商

武德舞

皇考武  
皇帝

烝哉聖祖撫運升離道周經緯功格玄祇方軒邁扈駕  
舜陵媯緝熙是詠欽明在斯雲雷邁屯圖南共舉大定  
揚越震威衡楚四奧宅心九疇還叙景星出翼非雲入  
呂德暢容辭慶昭羽綴於穆清廟載揚徽烈嘉玉既陳  
豐盛斯潔是將是享鴻猷無絕

方軒上  
句可刪

九代樂章卷二十一終

九代樂章卷二十二

南宮微山劉濂著

隋

隋仁壽元年詔牛弘虞世基等創定雅樂圓  
丘方丘明堂日月雩蜡社稷先農先師太廟  
俱有詩樂時南北混一華戎大同故禮樂視  
歷代稍為明備然情文華實之間猶踵宋齊  
梁陳之陋終非盡善之制也五帝歌不依五  
行之類春曰角音夏曰徵音中曰宮音秋曰  
商音冬曰羽音以五音屬之五方似能備五

調矣及考其詩皆宮商而無角徵羽但以方  
位所屬為名亦猶庾信以君臣民事物為調  
也於義何居獨武舞宗大武六成之制為有  
特見不以奉神而以悅賓則非矣宮商音黃  
鍾太簇調

圓丘歌

昭夏 降神

肅祭典協良辰具嘉薦俟皇臻禮方成樂已變感靈心  
迴天睠闕華門下乾宮乘精氣御祥風望燿火通田燭  
膺介圭受瑄玉神之臨慶陰陰烟衢洞宸路深善既福

德斯輔流鴻祚徧區宇

烟衢二句可刪

皇夏

皇帝升壇望燎還大次奏同

於穆我君昭明有融道濟區域功格玄穹百神警衛萬  
國承風仁深德厚信洽義豐明發思政勤憂在躬鴻基  
惟永福祚長隆

登歌

升壇

德深禮大道高饗穆就陽斯恭陟配惟肅血脊升氣冕  
表標服 誠青玄信陳史祝祗承靈貺載膺多福

誠夏

初獻

肇裡崇祀大報尊靈因高就敬掃地推誠六宗隨兆五

緯陪營雲和發韻孤竹揚清我業既潔我酌惟明五神  
是鑒百祿來成

文舞

皇天上帝受命自天膺圖作極文教遐宣四方監觀萬  
國陶甄有苗斯格無得稱焉天地之經和樂具舉休徵  
咸萃要荒式序正位履端秋霜春雨

需夏

飲福酒

禮以恭事薦以饗時載清玄酒備潔薌蕕迴梳分爵思  
媚軒墀惠均撤俎祥降受釐十倫以具百福斯茲克昌  
厥德永作鴻基

武舞

御曆膺期乘乾表則成功戡亂順時經國兵暢五材武  
弘七德憬彼遐裔化行充塞三道備舉二儀交泰情發  
自中義均莫大祀敬恭肅鍾鼓繁會萬國斯歡兆民斯  
賴享茲介福康哉元首惠我無疆天長地久

方立歌

昭夏迎神

柔功暢陰德昭陳塵典盛玄郊篚冪清管鬯馥皇情虔  
具祭肅笙頌合鼓鼗會出桂旌屯孔蓋敬如在肅有承  
神胥樂慶福膺

登歌奠玉

道惟生育器乃包藏報功稱範殷薦有常六瑚已饋五  
齊流香貴誠尚質敬洽義章神祚惟永帝業增昌

誠奠地

厚載垂德岷丘主神陰壇吉禮比至良辰鑿水呈潔牲  
栗表純樽壺夕陳幣玉朝陳辟望咸秩精靈畢臻祚流  
於國社被於人

昭奠送神

奠既徹獻已周鍊靈駕逝遠遊洞四極而九縣慶方流  
社恒通想三五於茲社芬斲神理顯國文

社稷歌

春祈社誠夏

厚地開靈方壇崇祀達以風露樹之松梓勾萌既申茲  
柞伊始恭祈粢盛載膺休祉

春祈稷誠夏

粒食與教播厥有先尊神致潔報本惟虔瞻榆東未望  
杏開田方憑戩福佇詠豐年

秋報社誠夏

北墉申禮單出表誠豐犧入薦華樂在庭原隰既平泉  
流又清如雲已望高廩斯盈

秋報稷誠夏

民天務急農亦勤止或蒸或薦惟豐惟芑涼風戒時歲  
云秋矣物成則報功施必祀

先農歌

誠夏

農祥晨禘土膏初起春原俶載青壇致祀歛蹕長阡迴  
旌外邊芳俎飾薦山壘沈滓祀事朱絃躬持黛耜恭神  
務稽受禧降祉

先聖歌

誠夏

經國立訓學重教先三墳肇用五典留篇開鑿理著陶  
鑄功宣東膠西序春誦夏弦芳塵載仰祀典無騫

太廟歌

迎神

務本興教尊神體國霜露感心享祀陳則官聯式存奔  
走在庭几筵結慕裸獻惟誠嘉樂載合神其降止永言  
保之錫以繁祉

登歌

孝熙嚴祖師象敬宗惟皇肅肅有來雍雍雕梁霞復繡  
棹雲重觀德自感奉璋伊恭彝學畫飾羽綴有容升歌

發藻景福來從

俎入歌

祭本用初祀由功舉駿奔咸會供神有序明酌盈樽豐  
犧實俎幽金既薦績錯維旅享由明德香非稷黍載流  
嘉慶克固鴻緒

太原府君

締基發祥肇源興慶迺仁迺哲克明克令庸宣國風善  
流入詠開我皇業七百同盛

康王歌

皇條俊茂帝系靈長豐功豐軌厚利重光福由善積代

以德彰嚴恭盡禮永錫無疆

獻王歌

盛才必達丕基增舊涉渭同符遷邠等構弘風邁德義  
高道富神鑒孔昭王猷克懋

太祖歌

深仁冥著至道潛敷皇矣太祖耀名天衢翦商隆祚奄  
宅隋區有命既集誕開靈符

飲福酒歌

神道正直祀事有融肅雍備禮莊敬在躬羞燔已具奠  
酌將終降祥惟永受福無窮

送神歌

饗禮具利事成佇梳冕肅簪纓金奏終玉俎撤盡孝敬  
窮嚴潔人祇分哀樂半降景福憑幽贊

哀樂二字可刪

九代樂章卷二十二終

九代樂章卷二十三

南宮微山劉濂著

唐

商尚質其制極簡而禮樂不疏周尚文其制極繁而禮樂不瀆此所以為聖人之制也漢魏而下為政不監於先王故制作簡畧而禮樂不明備簡而疏缺猶可說也唐一代之制視歷代獨為殷盛自天地日月風雲五帝雩蜡社稷農蚕拜洛龍池九宮汾陰神州再無不祀之神太廟世廟七廟妃后太子外戚太

清先聖先師武廟再無不祀之鬼詩樂可考  
而知者三百章舞歌可考而知者五十篇詩  
樂之繁亘古未之有聞也宜無不盡之制矣  
及觀其著述事不稽古因就簡陋徒增煩瀆  
而淪缺如故此何說哉意者唐多詩人朝野  
中外無不能言者故君臣之間果於自用以  
風人浮麗之作移而為奉事神明之音不然  
何謬濫至此也其最無謂者以五七言近體  
絕律為頌耳貞觀當創造貞元之會詩樂儀  
節猶多近古初命祖孝孫製十二祀祭天神

奏豫和祭地祇奏順和祭宗廟奏永和登歌  
奠玉帛奏肅和皇帝行奏泰和王公出入送  
文舞出迎武舞入奏舒和俎入奏雍和酌獻  
飲福酒奏壽和造凱安舞凡有六變一象龍  
興三野二變象剋靖關中三變象東夷賓服  
四變象江淮寧謐五變象獫狁服六變復  
位以崇象兵還振旅亦如周之大武詩止一  
章不知何以為六變之容號為宗大武其實  
宗隋制也其次玄宗開元之間頗有一二近  
雅者累朝增造非一頗無法度昵聲煩音不

可擇矣予每謂唐無詩者有見於此耳

圓丘樂章

豫和 降神

貞觀

上靈睠命膺會昌盛德殷薦叶辰良景福降兮聖德遠  
玄化穆兮天曆長

太和 皇帝行

穆穆我后道應千齡登三處大得一居貞禮唯崇德樂  
以和聲百神仰止天下文明

肅和 登歌奠 玉帛

闔陽播氣甄曜垂明有赫圓宰深仁曲成日麗蒼璧烟

開紫營聿遵乾享式降鴻禎蒼璧二句可刪

雍和 俎入

欽惟大帝載仰皇穹始命田燭爰啓郊宮雲門駭聽雷

鼓鳴空神其介祀景祚斯融雲門二句可刪

壽和 飲福酒

八音斯奏三獻畢陳寶祚惟永暉光日新

舒和 送文舞 迎武舞

壘辟凝影皇壇路編珠流彩帝郊前已奏黃鍾歌大呂

還符寶曆祚昌年此體可刪

凱安舞

昔在炎運終中華，亂無象，豐郊赤鳥見，印山黑雲上大。  
賚下周車，禁暴開殷網，幽明同叶贊，鼎祚齊天壤。此體可刪

豫和送神

歌奏畢兮禮獻終，六龍馭兮神將昇，明德感兮非黍稷，  
降福簡兮祚休徵。

方立樂章

與冬至圓立同其太和壽和凱安三章詞與

圓立同

順和降神

萬物資以化，文泰屬昇平，易從業惟簡，得一道斯寧，具

儀光玉帛，送舞變咸英，黍稷良非貴，明德信惟馨。

肅和登歌奠玉帛

至矣坤德皇哉地，祇開元統紐，合大承規九宮，肅列六  
典相儀，永言配命，長保無虧。

雍和俎入

柔而能方直，而能敬厚載，以德大亨以正，有滌斯牲，有  
馨斯盛，介茲景福，祚我休慶。

舒和送文舞迎武舞

玉幣牲牲分慶，享羽旄干鉞，逸成容一德，推寧兩儀，泰  
三材保合四時，邕。

頌和送神

陰祇協贊厚載方貞牲幣具舉簫管備成其豈惟肅其  
德惟明神之聽矣式鑒虔誠

朝日夕月樂章

朝日肅和

惟聖格天惟明饗日帝郊肆禋王宮戒吉珪奠春舒鍾  
歌曉溢禮云克備斯文有秩

雍和

晨儀式薦明祀惟光神物爰止靈暉載揚玄瑞肅事紫  
幄興祥福履攸假於昭允王

舒和

崇牙樹羽延調露旋宮扣律掩承雲誕敷懿德昭神武  
載集豐功表睿文

夕月肅和

測妙為神通微曰聖坎祀貽則郊禋展敬璧薦登光金  
歌動暎以載嘉德以流曾變

雍和

咄晨爭舉天宗禮闕夜典恭秋陰明湛夕有醑斯旨有  
牲斯碩穆穆其暉穰穰是積

舒和

合吹八風金奏動分容萬舞玉鞘驚詞昭茂典光前列  
夕曜乘功表盛明

玉鞘驚三字可刪

### 享先農樂章

誠和迎神

粒食伊始農之所先古今攸賴是日人天耕斯帝籍播  
厥公田式崇明祀神其福焉

肅和

罇彝既列瑚簋方薦歌工載登幣禮斯奠肅肅享祀顯  
顯纓弁神之聽之福流寰縣

雍和

前夕視牲質明奉俎沐芳整弁斯儀式序盛禮畢陳  
樂備舉歆我懿德非馨稷黍

舒和

羽籥低昂文綴已干戚蹈厲武行初望歲祈農神所聽  
延祥介福豈云虛

### 釋奠文宣王樂章

誠和迎神

聖道日用神機不測金石以陳絃歌載陟爰釋其菜匪  
馨于稷來顧來享是宗是極

承和行太子

萬國以貞光上嗣三善茂德表重輪視膳寢門遵要道  
高闕崇賢引正人

肅和

粵惟上聖有縱自天傍周萬物俯應千年舊章允著嘉  
贄孔虔王化茲首儒風是宣

雍和

堂獻理篚庭敷琫縣禮備其容樂和其變肅肅觀享雍  
雍執奠明禮惟馨蘋繁可薦

舒和

準集龜開昭聖烈龍躡鳳時肅神儀尊儒敬業宏圖

縉武經文盛德施

太廟樂章

永和迎神

於穆列祖弘此丕基永言配命子孫保之百福既洽萬  
國在茲是用孝享神其格思

肅和

登歌  
酌

太哉至德允茲明聖格于上下聿遵誠敬嘉樂斯登鳴  
球以詠神其降止式降景命

雍和  
迎俎

崇茲享祀誠敬兼至樂以感靈禮以昭事案盛咸潔牲

牲孔備永言孝思庶幾不匱

長發舞 皇祖

濬哲維唐長發其祥帝命斯祐王業克昌配天載德就日重光本枝百代申錫無疆

大基舞 景皇帝

猗與祖業皇矣帝元翦商德厚封唐慶延在姬猶稷方晉踰宣基我鼎運於萬斯年

大成舞 元皇帝

周穆王季晉美帝文明明盛德穆穆齊芬藏用四履道參分鏗鏘鍾石載紀鴻勳

大明舞 高祖

五紀更運三正遞升勛華既沒禹湯勃興神武命代靈睠是膺望雲彰德察締告徵上紐天維下安地軸徵師涿野萬國咸服偃伯靈臺九官允穆殊域委賚懷生介福大禮既飾大樂已和黑章擾圉赤宇浮河功宣載籍德被詠歌克昌厥後百祿是荷

壽和 飲福

八音斯奏三獻畢陳寶祚惟永暉光日新

舒和 送文舞

聖敬通神光七廟靈心薦祚和萬方嚴禮克配鴻基

明德惟馨鳳曆昌

雍和 徽俎

於穆清廟聿脩嚴祀四縣載陳三獻斯止蓬豆撤薦人  
祇介社神惟格思錫祚不已

永和送神

肅肅清祀烝烝孝思薦享昭備虔恭在茲雍歌撤俎祀  
嘏陳辭用光武志永固鴻基

九代樂章卷二十三終

